

續皇朝史略

二

二

共

リ 5
8888
3



門 5
8888
卷 3

島田藏書

續皇朝史

略卷之二

水府史臣青山延于著

後土御門天皇諱成仁後花園帝子也母嘉樂門院長

祿元年為親王寬正五年七月受禪皇胤以前關白

持通復為關白○八月尊後花園帝曰太上天皇應代

○冬十一月大將軍義政准三宮足利家傳○義政罷管領

細川勝元以畠山政長代之尊卑分脈長○時義政在

職日久頗倦機務有去職之志義政弟義尋為僧在淨

土寺遣使諭之曰吾欲傳職於汝公宜返初服義尋固

辭不可義政遺書固誓曰吾若生子必當為僧上帝降
監我不食言矣義尋乃還俗更名義視徙居三條第
今出川以細川勝元為執事而義政貪戀富貴竟不去
職應仁記將十一月義視任大納言補○時紀綱廢亂
賞罰無常近江人熊谷某知世將亂上書諫之義政怒
奪其采邑○六年春三月義政遊花頂山若王子大原
野等地觀花時將士奢侈至以沈檀黃金為筋又至伊
勢春日鹵簿衛從窮極靡麗由是賦役無度上下罷敝
民皆思亂矣應仁記○秋九月有星如月自西南飛東北
光照天地聲如雷霆識者以為兵革之兆應仁記應仁
院

星

年代○冬十一月義政子義尚生家譜應義尚後更義
記熙親長○十二月帝即位紹運○初斯波義敏之西去
也大内教弘厚供給之欲請還之京師會伊勢貞親為
義政所親任貞親納義敏姊為妾以故義敏因貞親請
還義敏許之至是義敏還京師應仁記應是歲義政遣
使于明善隣國○文正元年春正月足利成氏出兵五
十子與上杉房顯對陣喜連川二月房顯卒于軍足利
政知台越後守護上杉房定子顯定為房顯嗣居山内
鎌倉大○義政遣使朝鮮國實○夏四月義政罷斯波
義廉尾張遠江越前守護職以義敏代之遣使曰宜以

第宅付義敏時義廉與山名持豐約婚乃馳使告之持
豐大怒與土岐成賴一色義直六角高賴等諸將集兵
為防戰備應仁記義廉亦集兵自守京師騷擾人或流言
義視黨義廉作亂義政聞而惡之義視潛逃細川勝元
家諸將連署許貞親罪狀義政不獲已逐貞親於是貞
親奔近江義敏奔北國既而義政知義視無罪召還之
吉 畠山義就聞京師兵起自告野入侵河內政長所置戍
兵皆棄城走應仁外記初義政夫人藤原氏生子義熙竊屬
諸持豐曰妾不忍棄此兒於桑門卿幸保護之持豐以
為嗣君罷職則勝元得志不如輔翼郎君以為世嫡當

今之世與我戮志者惟有義就耳乃曰夫人請赦義就
義政從之冬十一月義就還京師初持豐女適細川勝
元應仁記以故持豐初黨於政長康富記及勝元助赤松政
則持豐憤恚遂與勝元成隙至是竊謀傾之應仁記是歲
僧正哲宗砌並死應仁外記正哲善和歌為東福寺書記世
稱哲書記和歌深要集所著有草根集正哲物語行于世宗
砌以連歌聞所著有古今連談抄據本書○應仁元年春
正月山名持豐與其黨吉良義藤斯波義廉畠山義就
畠山義統畠山教國一色義直一色義遠下山貫益仁
木教將土岐成賴山内政綱及其族山名政清教之等

議攻勝元迎義視入室町第擁兵警衛於是勝元黨與
吉良義真吉良義富赤松政則赤松貞祐山名是豐佐
木勝秀六角政信武田信賢武田國信仁木成長及
其族細川成之勝久等馳集勝元家政長亦集兵守其
第持豐請討勝元政長義政不聽應仁外記故事每歲正月
將軍臨營領第於是政長大設供具至期義政不至政
長憤歎曰頻年大役相繼而我恪勤不懈今有何辜踈
我乃爾義就聞政長失寵大喜乃益修攻戰之具應仁記
己未以亂停蹈歌節會補任辛酉政長火其第出陣御靈
社持豐請帝及上皇移躡室町第詔討政長詔討政長
援補任

於是義視命勝元勿援政長義就率兵攻政長政長拒
戰不克應仁外記焚御靈社而走義就兵認社中燒尸以為
政長已死持豐等大喜罷兵應仁記丙寅車駕還宮補任○
二月義政以斯波義廉為管領執權次第○夏五月關白持
通罷前太政大臣兼民為關白補任○勝元悔不援政長
移檄諸國發兵應仁外記於是攝津河內和泉土佐讚岐阿
波淡路參河紀伊越中隱岐出雲飛騨播磨備前美作
安藝若狹之兵十六萬餘集京師持豐亦集兵但馬備
前備後伯耆因幡石見美濃尾張遠江伊勢大和近江
周防長門之兵十一萬餘集京師勝元陣東京持豐陣

西京持豐令一色義直衛室町第，勝元以為舉兵無名，不如擁將軍以彌今天下，乃遣兵擊破義直，入謁義政，請將府旌旗，豎之第門，分遣諸將攻持豐。勝元部將藥師寺與市鼓諫攻持豐，營破之。持豐部將太田垣等退守芝藥師，時敵將畠山義就守花坊山，名教豐守大宮口，六角政信、斯波義敏、細川持賢等縱火攻之，不克。勝元遣京極持清救之，斯波義廉部將鹿野朝倉甲斐、織田等奮戰拒之，持清兵敗走。至一條戾橋，溺死者甚衆。赤松政則又進攻之，敵兵遂敗，兩軍連戰累日，吶喊之聲震動京邑，殺傷甚衆。○六月，持豐兵火一色政氏宅。

延

會風勢猛烈，延燒二十許里，上自御靈衢，下至二條，西自大舍人寮，東至室町，公私屋舍三萬餘區，焚蕩無遺。京師兵燹之慘極矣。會大內政弘率大衆入援持豐，仁應記政弘教弘之子也。圖時武田基綱守三寶院，護衛禁內，政弘及土岐成賴、六角高賴率兵來攻，基綱拒戰甚力，敵兵盡銳攻之，基綱部兵皆死，三寶院遂陷。○八月，勝元召部將安富元綱，謂曰：我軍屢敗，由莫府之士有通謀西軍者，若不逐此徒，禍將不測矣。元綱曰：事不速決，噬臍無及。勝元乃以兵數千圍將府，數重。義政大驚，使吉良義真問之。勝元請逐一色政熙，上野政直。

伊勢貞藤等政熙已下名據異已者十二人義政從之
政熙等怒曰吾屬有何罪而至是與其偷生取辱寧死
而留名也皆擐甲執兵將出戰義真諭止之衆稍定政
熙等遂出奔既而持豐番犯關奪乘輿丙辰勝元遣細
川教春迎帝及上皇幸室町第勝元以義政意右持豐
憲其奔西軍欲挾天子以彌令天下故遣兵迎之應仁記
使吉良義真防衛禁內義視與義政在室町第勝元請
迎義視入其營義視不聽遂出奔伊勢依國司北畠教
具應仁記時勝元軍屢敗持豐乘勝縱火攻之勝元退保
相國寺應仁記○九月彗星見長丈餘和漢合運○冬十月己

丑相國寺僧為持豐內應縱火寺中勝元使安富元綱
等守東門畠山義就大內政弘一色義直六角高賴等
率衆數萬攻之高倉守將武田信賢京極持清等不戰
而潰走元綱兄弟驍勇善鬪却敵者數回遂死之會日
暮兩軍交綏戊子義直高賴入據相國寺墟勝元守兵
多逃散相國寺密邇將府政長見勝元曰敵軍已據相
國寺則往來路絕我軍何以守將府置速遣兵驅之不
然則吾屬為釜中魚矣勝元然之乃使政長擊之東條
近江守為後距政長見敵兵甚盛自奮曰我不却此賊
必不生還徑進攻之東條率兵橫衝敵陣高賴等敗走

遂復相國寺。應仁初敵兵攻相國寺也。義政方宴，夫人
藤原氏見煙炎蔽第，勸義政出避。義政飲酒神氣自若。
松田某進曰：「事急矣，願賜一杯以為榮。」義政舉杯賜之。
松田乃嚙曰：「捐軀報恩，正在今日。」遂出戰死之。既而細
川成之入見夫人，使人謂之曰：「卿宜奉將軍避賊，成之
徐對曰：「臣今遣兵驅掃之耳，又何患焉？」應仁外記○二年春
正月，義政以斯波義良為管領，義良，義廉之子也。○夏
五月，義政罷義良管領，復以勝元為之。尊卑分脈○秋九月，
義政罷左大臣。皇記○勝元部將內藤真正起兵丹波，入
援京師，與持豐兵戰，嗟哉！敗績。勝元欲遣兵救之，而路

梗不通，乃使山名是豐浦上，則宗攻舟岡城破之。○帝
召義視於伊勢，冬十月，義視還京師。時京師流言，勝元
謀廢義政，立義視。內外洶々，勝元患之，以為令義視奔
敵軍，則無憂矣。乃說義視出京，十一月，義視奔比叡山，
持豐果遣人迎之。○文明元年春三月，勝元遣兵襲持
豐營，縱火攻之，持豐替戰却之。○夏五月，多賀高忠率
近江兵入援勝元陣，如意嶽六角近綱起兵近江，欲襲
其虛。高忠引還，近綱，高賴之子也。高賴子據利季世記義政使
武田信賢城北白川，以通運道。山名是豐城天王山與
畠山義就對壘，會備後賊起，是豐就國討之。義政使志

松政則守天王山外應仁記○大内政弘臣二尾某作亂周防奉政弘伯父道頗以為主送款藤元太宰少貳教賴起兵對馬侵筑前圖復舊土應仁外記家譜○冬十月盜殺權大納言藤原政房子攝津補任○二年秋七月關白無良罷○八月左大臣藤原政嗣為關白補任○義政遣使朝鮮國實記○冬十月丁未雷震相國寺塔○十二月丙寅後花園法皇崩于室町行宮親長記時京師兵革相踵公卿百官率皆逃散無良政家奔奈良教房及子房家奔土佐政家據長興記按本書云教房奔兵庫誤也今從宣胤記朝廷衰替自古未有也應仁外記○三年春正月葬法皇于悲田院時泉涌寺為

賊所據故葬于此親長記○近江守護六角高賴起兵將入京師京極持清擊破之應仁別記高賴持清並佐々木定綱之後高賴五世祖泰綱始稱六角持清高祖高氏始稱京極世為近江守護佐々木系圖應仁已來兩家始構兵累世相爭于戈無弭云總見記○三月足利成氏出兵攻足利政知政知兵逆戰于三島不克會上松政真遣兵救之成氏兵敗走○夏五月上松顯定部將長尾景信率大衆攻古河城大草子○斯波義廉部將朝倉孝景歸順義政以孝景為越前守護應仁記○六月景信拔古河城成氏走下總依千葉孝胤顯定政真駐軍五十子平

成氏餘黨大草○冬十二月彗星見東方貫太微星親長

○四年春成氏攻古河城拔之大草○秋七月多田

廟數震動議者言多田廟源氏之始祖宜贈爵位以霽

神怒○八月詔贈故正四位下源滿仲從二位親長○

冬十一月成氏破政真於五十子斬之政真無子以持

朝子定政為嗣任修理大夫大草○五年春三月山名

持豐卒年七十○夏四月壬戌太白犯輿鬼庚午歲星

犯房○五月管領右京大夫細川勝元卒年四十四親長

○冬十二月義政罷征夷大將軍以子義熙拜征夷

大將軍補任○六年二月丁卯熒惑犯輿鬼親長○夏

六月以邦高為親王邦高貞常之子也皇○秋七月皇

井式部卿貞常親王薨贈一品親長○貞常博學多識

為世所重及薨人皆悼惜焉親長○九月先是義政遣

使于明主付以勘合會天下喪亂所得勘合為賊所

奪至是遣使朝鮮諭告之使為請於明京華集○七年

春正月辛亥朔始行四方拜應仁已來朝典悉廢至是

諸節會皆復舊乙亥行縣台除目○三月京師大風○

夏五月大雨水親長○六月遠江人橫地勝間田諸族

作亂駿河守護今川義忠討平之還至鹽貝坂賊兵復

起義忠中流矢而卒和漢合符今川記○秋七月駿河

和漢合符今川記

○秋七月駿河

兵擊遠江賊平之符合○八月義政遣使于明求典籍及
銅錢京華集國寶記○初六角高賴掠奪延曆寺封邑僧徒請
討之九月延曆寺僧徒擊破高賴於近江斬獲數百人
冬十月美濃尾張兵援高賴延曆寺僧徒敗還長興記○
十一月斯波義廉奔尾張符合是歲內大臣藤原政家還
自奈良長興記○八年春二月雷震平野社親長記○春日
山震動皇記○夏五月關白政嗣罷左大臣藤原政基代
之補任長興記○六月前左大臣藤原勝光薨義熙母勝光
之妹也以故勝光叅決將府事威權赫奕珍玩瑰奇充
積居室至是薨長興記○秋八月加茂社火先是加茂氏

應景春資長築若國府臺即鶴臺也或以作鴻臺以拒之大草子○八
月義政與義視行成長興記○冬十月義政令織田敏定
略尾張十一月敏定城清洲十二月齋藤利勝率濃江
兵圍之符合敵射敏定中目敏定戰愈力敵兵竟退京華集
○太田資長擊破千葉孝胤於境根原孝胤退保臼井
大草子時資長威名日著關東將士多屬定正顯定由是
與定正有隙鑑判○十一年春正月戊午朔雷○齋藤利
勝圍清洲踰歲不拔遂解圍而去符合○二月關白政基
罷右大臣藤原政家代為關白補任親長記○秋七月乙卯
朔北小路行宮火帝幸聖壽寺乙丑徙御侍從藤原政

資第親長記○冬十二月戊午車駕還土御門宮紹運
是院年○十二年秋九月前關白政嗣薨補○冬十月
前關白教房薨于土佐幡多○十二月以皇子勝仁為
親王○十三年夏四月前關白兼良薨年八十宣胤
後成思寺補兼良才學絕倫博涉古今諳練典故為天
下所倚賴及薨人皆歎惜焉宣胤所著有公事根源花
鳥餘情東齋隨筆等皆行于世書籍目○秋七月以前
右大臣源通博為大政大臣補○冬十月京師盜起應
仁已後造新關於各所以備非常至是土兵作亂抄掠
焚關宣胤○冬十一月僧宗純卒年八十八宗純號一

人與社司構怨殺社司數人至是社司結黨殺氏人數
十人餘黨據加茂社拒戰遂火社自殺康子以加茂災
廢朝三日親長記○以皇子尊敦為親王長興○九月
以無品邦高親王為式部卿皇○斯波義廉將兵赴越
前攻朝倉孝景長興○冬十一月辛亥室町行宮火累
代典籍悉燬帝幸義政小川第壬子徙御北小路第○
九年春正月武田信賢將士與赤松政則部兵鬪爭遂
攻政則營戰北小路矢及行宮義熙親出止之事稍定
長興記○初上杉顯定執事長尾景信死其族忠景代
為執事景信子景春憤邑遂密謀叛至是據武藏鉢形

城嚴顯定。正於五十子破之。顯定。正走那波。太田
資長擊破景春於用土原。景春退保鉢形。顯定。正進
陣甘糟原。○秋七月。足利成氏師兵數千。救景春。顯定
等退。北白井。子大草○九月。大内教弘歸順。畠山義就奔
河内。○冬十月。土岐成賴奉義視奔美濃。西軍將士悉
皆失散。應仁已後。十一年間。兵革相踵。京師為爭戰之
區。至是亂始平矣。親長記○前關白無良還京師。長興
○是歲。畠山政長復為管領。家譜○十年春正月。足利成
氏與上杉顯定講和。○三月。太田資長拔鉢形城。顯定
徙居焉。○秋七月。成氏復還古河。千葉孝胤據千葉城。

亦甚矣。義政暗懦為強臣所掌制。退隱東山。優游玩
愒。以泄其不平之意。而至于流毒後世。為人君者。可
不以為戒哉。

○十六年冬十一月。京師盜賊蠢起。義熙遣兵討平之。
親長記○十七年春三月。關白政平為太政大臣。○夏四
月。政平罷。補任○六月。義政薙髮。踊喜山。家譜○秋八月。大
將軍義熙與足利成氏行成。鑑判○十八年秋七月。上杉
定政殺其執事太田資長。初定政以封地狹小。常屬顯
定。及資長相之內。修國政。外總軍旅。撫民愛物。將士畏
服。兵威日彊。顯定忌資長欲除之。使人為間。定正信之。

資

主是召資長于糟谷殺之關東兵亂記結城戰場記東
山殿日記召資長據梅花無
歲時年五十五梅花無資長臨死作和歌聞者哀焉
殿日記按關東兵亂記以加
類騰柴之歌為絕命之詞誤也
外史氏曰孟子有言人必自侮而後人侮之國必自
伐而後人伐之自古人君以讒間殺其臣未有不危
其國者也故子玉死而楚國弱伍胥死而吳王亡檀
道濟死而劉氏衰斛律光死而齊社屋高頴死而隋
室傾岳飛死而宋師燼凡此數君者皆自破其干城
以資敵國不徒取笑一時亦足以亡其身而危其國
也上杉定政任用資長國富兵彊威震關東及一旦

關

休少游學東山善屬詩性剛達不拘泥矩度詼諧翫世
晚年為大德寺住持後築瞻驢庵於東山居焉初後小
松法皇臨崩召見賜以先朝奎翰及御書飛白數帖宗
純坐平不藏一物惟法皇所賜敵翰終身寶愛所至必
携未嘗離身云其所著頌偈曰狂雲集一休○十四年
冬十月大政大臣通博薨○十五年春二月關白政家
罷前左大臣政平代之補○三月義政遣使於明求銅
錢京華○秋七月義政造第於東山居焉勅賜彌東山
殿使狩野祐清畫瀟湘八景於殿內命五山僧徒題詩
於其上京華集古器名畫屢設茗宴以遣世慮家茶人

周光之徒尤見親近自是之後茶湯盛行云茶湯傳書
外史氏曰在昔唐陸羽以好茶聞于世自是之後高
人逸士遺世絕俗肆志山林者往往愛賞不置然未
有王公大人好之者也至本朝源義政留意茶事而
茶人周光之徒迎合其好矧意出奇自後轉相倣效
遂有茶家者派至豐臣秀吉尤好之於是乎宗易之
徒益加文飾茗飲甚盛至今王公大人競相尚慕一
器之微至費千金其弊有不可勝言者夫古之好茶
者清簡寡欲脫略世務以為方外之遊而今之諸侯
驕奢多欲蕩盡貲財以供無用之事茗飲之為害吁

○聽讒殺之人心瓦解疆土日蹙卒為北條氏所并此
理之必然何足怪哉
資長薙髮稱道灌雅尚文藝嘗營燕室於江戸城名曰
靜勝命僧集九作記又創管廟植梅樹數千株即今平川天神
也集九詩云山仰士峰人道灌其為當時所推服如此
子資康亦好文雅有父風每在行間不廢吟哦云梅花無盡
歲○九月石清水社人鬪爭○冬十月以石清水宮中
喋血廢朝三日親長○長亨元年春二月關白政平罷
以前內大臣藤原政忠為關白補○夏五月以伊勢外
宮災廢朝五日親長○義熙以細川政元為管領政元

勝元之子也。系○九月義熙自帥師討六角高賴以富
樞介政親為前鋒冬十月進次近江親長高賴棄城走
匿甲賀山義熙進屯鈎里足利李世○上杉顯定與其
子憲房議伐定正太田資康募兵應之關東將士多叛
定正屬顯定○二年春二月顯定及定正戰于實蔭原
敗績關東兵亂記按判鑑為○夏四月嘉樂門院崩親
延德元年今從本書○六月加賀一向宗僧徒作亂殺富樫介政親加越
大亂親長記加○顯定與定正戰于須賀谷原又敗績
越關年記○秋八月關白政忠薨內大臣藤原冬良為關白
○九月前關白政家任太政大臣源義熙任內大臣○

冬十月前關白房嗣薨親長○十一月顯定與定正戰
于高見原破之梅花無○延德元年春三月征夷大將
軍義熙薨于近江年二十五親長記宣亂義熙聰敏好
學在行中使人讀書而聽之文祿常有撥亂之志至是
薨竟不得如其志人皆惜焉義尚公近江之役一日泛
舟於湖水遇二童子棹舟而來問其間里曰住梅原義
熙賦詩曰湖邊自異山林興童子尋梅棹小舟而起句
未成其夜夢有人續成之又嘗陣于鏡山之下時方酷
暑士卒皆疲義熙乃作和歌曰幾與婦婆迦理區毛連
阿敷美儂箇々美夜末多吐儂耶都聯儂迦計儂美由

類珥少選天陰風生眾皆蘇息文祿清談嘗就一條無良問
 治體無良作樵於治要文明一統記贈之樵治要文明一統記
 ○夏四月義視與其子義材還京師義政養義材為嗣
親長記○二條春盛死年一百七十三春盛不詳何許人
 或云京師人花園帝文保元年生少奉小角之道尤精
 密乘尊氏義詮皆召見之又嘗謁義滿義教好修塔廟
 每有壞者竭力修造晚年絕穀一日病死七日復蘇世
 以為異人至是死京華集○二年春正月前征夷大將軍
 源義政薨親長年五十六號慈照院家傳義政荒耽酒
 色委政婦人賄賂公行刑賞僭濫應仁已後天下大亂

禍溢數世云應仁記義植嗣立初名義材又改義尹後更
 今名○秋七月義植拜征夷大將軍叙從四位下義視
 准三宮○三年春正月義視薨年五十三勅贈太政大
 臣系圖○夏四月足利茶々丸弑其父政知四月攝初
 政知有二子長茶々丸次義遐後妻所生也政知
 鐘愛之欲立為嗣銅茶々丸於別室令人守之茶々丸
 伺守者怠潛出幽室刺殺繼母遂率其黨攻政知々々
 自殺義遐時年十三左右扶之奔駿河依今川氏親氏
 親送之京師居天龍寺香嚴院足利季世記○秋八月義植
 將師討六角高賴帝詔賜錦旗冬十一月與戰于大津

斬山內宮內大輔送首京師梟六條河原○明應元年
春正月織田敏定擊破高賴親長遂拔觀音寺城高賴
走甲賀足利季○夏五月斯波義廉帥舟師向甲賀谷
○冬十月義植帥舟師進至赤田賊徒潰走乃凱旋和
記是歲義植遣使于明京華○二年春正月關白冬良
為太政大臣補○初畠山義就死子義豐在河內與政
長構兵足利季政長陣正覺寺二月義植自將討義豐
次正覺寺親長細川政元與政長爭權不相能遂與義
豐通謀京極山名一色等諸將皆黨政元攻正覺寺足利
季世○三月太政大臣冬良辭關白右大臣藤原尚通

代之○夏四月細川政元迎足利義暹立之子成以義
暹叙從五位下於是義植將士多叛去閏月正覺寺軍
潰政長自殺子尚順奔紀州上原賢家執義植足利氏
世傳義家鎧名曰小袖義植脫以付賢家政元幽義植
於上原秀家宅親長○播磨守護赤松政則卒子義村
嗣義村同族元久之子也政則養為嗣義村幼其老臣
浦上則宗專決國事則宗死子村宗代秉國政跋扈滋
甚志松○秋七月義植潛逃奔越中冬十月如越前
依朝倉貞景親長貞景孝景之孫也宣胤按天正年
○上杉定正卒子朝良嗣○是歲伊勢氏茂襲堀越取

之判鑑氏茂京師人稱新九郎備前守盛定之子也初名
盛時東山殿日記北條系昌足利季世記○按系昌云
為駿河守貞道所養北條記為照康子照康即貞
道法為人豪邁有謀略善騎射通弁韜關東兵亂記初
彌也為人豪邁有謀略善騎射通弁韜北條五代記初
事義政後去至駿河依今川義忠氏茂之姊夫也
及義忠死氏茂輔氏親有功氏親以為高國寺城主會
足利政知死國大亂氏茂遂叢堀越取之足利季世記李城菲
山而居焉改氏曰北條北條記嘗使人讀三略而聽之至
主將之法務攬英雄之心歎曰此一言而足乃掩卷而
罷其敏捷如此軍甲錄○冬十月地大震○十一月近江
志賀郡民作亂據日吉社延曆寺僧徒討平之親長記○

十二月以源義澄為征夷大將軍義澄初名義選系譜
○三年夏五月地大震親長記○秋九月三浦義同弑其
父時高按兵亂記作九年誤也初時高無子養上杉高枚子義同
為嗣後生一子欲遂廢之義同潛逃總寧寺在相家臣
多從之小田原城主大太實賴亦助義同義同起兵數
與時高戰至是釁時高於新井城時高自殺北條記
外史氏曰三浦時高受持氏之命守鎌倉及上杉持
房來討不翅不能死之至倒戈以攻義久其不忠不
義天下之所不容也卒之父子構難身死國亡天道
好還豈不信哉

○四年春二月北條氏茂敵大友實賴於小田原破走之。初氏茂以與實賴接境遣使修好。至是氏茂遣使請實賴曰：予以數獵境內之獸，悉入宮根，願使獵人驅之。實賴許之。氏茂乃使士卒獵，裝持竹槍，登宮根。其夜氏茂潛率兵隨之，束炬火於牛角，臨城縱之。勁兵數百從其後，掩擊會實賴出兵，援上杉朝良城中守兵甚少。實賴倉黃出奔。氏茂遂取其城。兵亂自是氏茂兵威益彊一日會其老臣謂曰：在昔源平二氏迭秉兵權而建武已來，平氏不振，今源氏方衰，平氏將興，是吾盍進取之秋也。乃禱三島祠，一夜夢一鼠嚙斷二杉樹，大喜曰：吾

兵

日

生年在子，天其或者欲使我并兩上杉氏歟？吾子孫必當有關東矣。由是遂有兼併之志。皇亂記甲 陽軍鑑 氏茂居菲山，使子氏細居小田原。○伊豆之西南有島，曰八丈島，其俗貴女子，賤男子。女子主家事，男子出為贅婿。伊豆人朝比奈知明始至此島，自是島人屬北條氏，每歲貢絹去。北條記 ○秋九月，前大政大臣冬良上僧宗祇所著菟玖波集。親長記 ○五年春正月丙戌，准后政基殺大内記。菅原在數少納言，菅原為學等連署上疏，訖其寃。帝震怒，停政基朝參。和長記 ○六年夏六月，關白尚通嚴內大臣藤原尚基代之。○秋七月，大政大臣冬良罷。補任 ○

九月左馬頭足利成氏卒于古河子政氏嗣判鑑○冬十月富山尚順率兵入河內擊富山義豐走之元地根○關白尚基薨冬良代之補任○是歲多武烽火根元○七年秋八月癸未地大震和長記是月數震伊勢紀伊參河海溢天正年代記○八年春正月富山尚順及富山義豐戰于河內義豐敗死棟寺過去帳○三月辛未越前大雨雹和漢運○秋九月富山尚順侵山城攝津細川政元遣兵拒之○冬十一月義植起兵入近江陣坂本義澄遣兵逆擊破之義植奔周防依大內義興天正年代記○十二月細川政元使赤澤朝經朝經薙髮稱宗益納富山義英於

河內尚順拒戰不克奔紀伊後應仁義英義豐之子也昌○九年秋八月參河安祥城主松平親忠卒子長親嗣親忠新田義重之裔其先世居上野義重子義李稱德川四郎親忠曾祖親氏始來參河土豪松平信重以女妻之因冒松平氏親氏子泰親為參河目代至孫信光攻安祥城取之親忠信光之子也性寬仁愛物剪除鄰敵漸開基業嘗謂其臣曰我勞心國事公平是務然國多冗費是我所憂也其臣曰臣等微賤猶且多費况於國乎君好施與民蒙其澤費於何有親忠曰非此之謂也夫有一國者養一國之人民厚祿重賞以勸有功非

倂

所謂費也吾之所憂賢才沉伏而不能舉倂邪顯達而不能退後費廩祿以養素餐無用之士此之謂冗費若夫祿賢賞忠何費之有聞者歎服嘗建一寺於額田郡名曰大樹寺大樹將軍之號也後子孫大興蓋其北也武德大成○九月帝崩壽五十九紹運在位三十六年改元者六曰文正應仁文明長亨延德明應如是院勝仁親王立是為後栢原天皇

後栢原天皇諱勝仁後土御門帝長子也母准后源氏文明十二年為親王至是踐祚紹運○文龜元年春二月義澄奏罷源義植職補任將軍家譜○夏六月關白冬良罷

內大臣藤原尚經代之補任○秋七月雨雹大日本傳○

二年畠山尚順出兵大和陷越智城義植與山書尚順薙髮號卜山足利李○永正元年春二月以貞敦為親王貞

敦邦高之子也○秋七月詔贈故准后源氏皇太后○九月攝津守護代藥師寺元一叛去澤朝經應之京師

釋騷細川政元遣藥師寺長忠長忠攝擊破之斬元一

宣胤政元以長忠為攝津守護代長忠元一之弟也長忠由是專權李世○上杉朝良及上杉顯定戰于立河

原敗走冬十月顯定攻朝良於河越朝良求成顯定解圍而還兵亂○十一月畠山尚順侵河內宣胤○二年

冬十一月志澤朝經侵河内略年代記○三年春正月避方

忌於清源殿○朝經陷高屋城南都興福寺僧英俊日誌○秋七月

彗星出○越前一向宗僧徒作亂守護兵討平之斬獲

一萬○八月若狹守護武田元信及丹後守護一色義

有戰敗績義有元信據細川政元記○九月志澤朝經攻多武峰縱

火焚之○春日社林木數千株無故而槁宣胤記○甲申

歲星與熒惑慎星相犯和長記○四年夏六月細川澄之

弒其父政元宣胤記初政元深信愛宕神居常齋戒不近

婦人好行幻術以故年四十無子家臣患之勸政元養

關白政基子澄之稱九郎為嗣與之丹波既而又養同族

之勝子澄元稱六郎為子時政元益信奇衰喜怒無常會

澄元至自阿波三好之長為傳之長勇有才略藥師寺

長忠與山城守護代香西元長山城守護代謀以為主

君狂暴必至危家若六郎罷職之長必秉權不如立九

郎為嗣則吾屬不失權矣季世記時澄之亦怨政元乃潛

與元長等謀逆至是政元齋居乃使竹田孫七按季世

華戶倉今從本就浴室弒之浴室據元長攻澄元縱火

焚其第澄元大敗奔迫江○秋七月澄之至自丹波義

澄命為政元後○八月壬申細川政賢細川高國細川

尚春攻破澄之誅澄之及元長忠等癸酉澄元入京

師三好之長恃權橫恣澄元不能制宣胤記高國細川政
春之子亦為政元所養系時澄之黨奈良元吉在京師
內藤貞正在丹波伊丹元扶在摂津通謀義植奉細川
高國為主興兵諸國○五年春二月貞正等入寇京師
澄元使三好之長拒之長敗走澄元走近江大將軍
義澄亦走近江高國任右京大夫自補管領大内義興
奉義植至泉堺畠山尚順及畿内兵士咸屬之李世記○
石清水宮火廢朝五日宣胤記○夏六月義植入京師關
白政基執義植手泣曰使君早還吾兒不死矣○秋七
月義植再補征夷大將軍奏解義澄官李世記○六年秋

七月先是越後守護上杉房能為其臣長尾為景所弑
至是上杉顯定率兵討為景為景敗走越中關東兵亂記李世記
房能顯定之弟也北條記○冬十月盜入將府義植親自
拒戰手斬四人身被九創盜遂逸去蓋義澄之所為也
補任李世記永正年代記○十二月前左大臣藤原實淳任太政大
臣補任○七年夏六月信濃人高梨摂津守黨長尾為景
侵越後顯定子憲房討之不克顯定擊破為景于長森
原會高梨來救顯定敗死憲房還保白井城長尾景春
起兵遣應為景軍沿田北條氏茂城住吉及高麗寺上
田蔵人叛其至上杉建芳城神奈川亦應為景憲房遣

建芳園神奈川墨拔之藏人遁走兵亂初顯定無子養
憲實孫憲房為子至是遺言以足利政氏子義綱為子
改名顯實任民部大輔喜連川判鑑○八月壬辰地大震壬
子遠江海溢陸地沒為海今切渡即是也季世○冬十
二月大織冠像破裂宣亂記是歲對馬島主宗義盛遣子
盛弘率兵擊朝鮮拔二城進戰于熊川敗死宗系○八
年春正月庚午朔地震永正年代記○三月甲戌行即位禮
於紫宸殿紹運錄○義澄在近江生子義晴時六角高賴
素厲義植圍擊之義澄潛赴播摩依志松義村託以子
義晴既而生子義維遣之阿波託細川澄元季世○秋

七月細川澄元三好之長起兵四國入侵和泉陣深井
細川高國遣兵擊之不利高國又遣柳本宗雄荒木大
藏等擊破之○八月志松義村將兵寇京師高國與大
內義興奉義植奔丹波義澄自播摩還近江丙戌薨于
岡山年三十二義植遣使求援於六角高賴高賴使子
定賴將兵赴援於是高國義興等將兵三萬入京師澄
元之長城舟岡山拒之癸卯高國等進陣長坂山細川
政賢畠山義英將兵來攻定賴擊破之義興率騎兵五
百徑前與之長接戰定賴率部兵橫突之長陣破走之
斬政賢斬獲二千餘澄元遂奔摂津義村攻伊丹城聞

舟剛敗亦引還九月高國奉義植入京師以義興為管

領季世○九年春正月從二位陰陽頭賀茂在通薨補

在通世典天官通諸子百家尤精律曆又善卜筮京華集

○三月賞大内義興切叙從三位補○夏四月以

皇子知仁為親王補○六月地震補○秋八月北

條氏茂攻相州岡崎城拔之三浦義同走保住吉城氏

茂又攻拔之義同退保荒井城氏茂又圍之上杉朝興

來援氏茂逆擊走之兵亂是歲大饑永正年○十年春

三月大將軍義植如近江○前太政大臣冬良薨補○

夏五月義植至自近江補○冬十月關白尚經罷

前左大臣藤原尚通代之補○十一年夏四月地震

○六月大旱○秋八月地震永正年○關白尚通為

太政大臣右大臣藤原兼輔代為關白補○十二年夏

六月義植造第高倉十二月移居焉永正年○十三年

夏四月前關白政基薨補○六月義植許越前守護朝

倉教景用白傘袋及毛氈鞍季世○冬十月前太

政大臣政平薨○十二月大政大臣尚通罷補是歲北

條氏茂拔荒井城初氏茂攻圍累歲不能拔既而城中

糧盡士卒困憊義同將大夫越後佐保田河内謂義同

曰宜走上總以番再舉義同曰吾曩祖義明已來世食

此地天下所知然而吾父滅鎌倉我亦叛父積惡已稔
我安往而得免今日之事枕城而死耳遂飲酒與訣亂
記至是城遂陷義同奮戰而死北條記兵亂記○按本
系子義意稱荒次郎驍勇絕倫膂力過人提丈餘鐵棒
衝突敵陣縱橫奮擊斃敵兵數百遂自刎而死年二十
一北條○十四年夏五月大水○秋九月地大震永正
記○冬十月安藝守護武田元繁圍小田信忠於有田
時毛利興元從義植在京師弟元就將兵援信忠與元
繁戰于中井手破斬之安西○十五年春三月關白無
輔罷內大臣藤原尹房代之○夏四月上杉朝良卒子

朝興嗣上杉○五月前左大臣藤原政長為大政大臣

補○蝦夷作亂蠣崎光廣討平之光廣其先武田氏若

狹守護武田國信之子信廣始來松前時蠣崎修理大

夫名為上國城主會蝦夷蜂起信廣討之有功蠣崎以

女妻之曰冒蠣崎氏為上國城主光廣信廣之子也徒

治松前其後寢拓疆域為蝦夷酋長云松前○秋八月

大內義興執國補任李以細川高國為管領義興在京

十一年本書作十年蓋誤為政公平衆皆悅服李世會出雲守

護居子經久畱侵周防於是義興還國經略軍事安西

○十六年春三月地大震○京師大饑給米粟於悲田

關

院賑濟餓者○秋八月大雨水永正年○北條氏茂卒
于葦山北條年八十八子氏綱嗣氏綱有勇略善
用兵○足利政氏老子高基嗣喜連川○冬十月細川
澄元率四國兵至兵庫細川高國遣兵一萬餘防之三
好之長陣久米川○十七年春正月高國將兵二萬攻
之長不利二月高國退陣左崎之長進軍難波高國與
戰大敗奔近江之長驅入京師義植出奔近江依六
角定賴募兵諸國土岐齋藤多賀朝倉諸族率兵來會
○夏五月定賴高國將諸國兵入京師之長拒戰大敗
走匿曇花院澄元奔阿波高國圍曇花院之長及其二

子自殺義植復歸京師六角高賴護送之○六月澄元
卒于阿波○秋八月六角高賴卒于定賴嗣李世○冬
十一月細川高國任武藏守叙從三位宣亂初義植之
見幽也有一僧姓富山氏破幽室脫之以故義植寵秩
其子任式部大夫欲以為管領高國由是與義植有隙
○大永元年春三月義植奔於路李世○夏六月高國
迎義澄子義晴于播磨立之時年十一和長記按李世
詔罷大將軍義植職李世○秋九月播磨守護赤松義
村為其臣浦上村宗所弑子晴政嗣赤松系初村宗
專權義村忌其偏也討之不克村宗幽之於室津至是

遂弑之志松記○冬十一月義晴任左馬頭尋拜征夷大

將軍高國為管領如故和長記細川尹賢任右馬頭參決

鎮西事季世記○是歲足子經久發出雲伯耆兵略安藝

取數城安藝將士皆屬之唯毛利元就屬大内義興數

與經久戰義興不救竟屬經久毛利記○二年秋八月河

内守護富山尚順卒略年代記按季世記作天文二年今從本書○三年夏

四月前大將軍源義植薨年阿波年五十八補世稱島

御所和長記○秋七月初毛利興元卒子幸松嗣至是幸

松大元就嗣毛利記安西軍策○是歲義晴使宋素卿聘于明

素卿明人姓朱名縞先是歸化更姓名曰宋素卿時大

于

内義興亦遣宗設于明宗設先素卿至寧波素卿後至

厚賂府吏府吏遂先素卿宗設大怒遂侵掠旁縣而去

家譜東西洋考○四年春正月巳丑以三合厄修北斗法於清

涼殿和長記○北條氏綱將兵攻上杉朝興於江戶城朝

興逆擊於高繩不利退守江戶城氏綱急攻之朝興走

保河越城氏綱置戍兵於江戶引軍而還上杉憲房間

之欲出師報江戶會疾不果兵亂扇谷上杉氏亡北條記

○五年春三月前太政大臣政長薨○夏四月關白尹

房罷右大臣藤原植家代之補○關東管領上杉憲房

卒子憲政幼家臣議以足利高基子晴直為嗣改名憲

聞

廣嚴管領職○初高基弟義明得罪政氏奔陸奥至是

一上 總守護代武田豐三迎義明以為主擊小弓城主原

友幸破之友幸出奔義明徙居焉里見義弘及房總將

士多屬之威震關東喜連川判鑑兵亂記按兵○六年

夏四月庚申帝崩壽六十三和長在位二十六年改元

者三曰文龜永正大永和漢知仁親王立是為後奈良

天皇



續皇朝史略卷之二終

